


160  
7  
2

淺田耕  
龍頭

十八史畧讀本

五

東京圖書館			
七	四	五	漢書門
冊	號	架	函類



綱目未幾微行在淵遇害其甥王氏在後帝問之曰汝舅來何遲王氏以疾對帝曰可得死否淵聞之懼

鰲頭十八史略讀本卷之五

唐

静岡 淺田 耕 句讀

○唐高祖神堯皇帝姓李氏名淵龍西成紀人也西涼武昭王暹之後祖虎仕西魏有功封隴西公父暉於周世封唐公淵襲爵隋煬帝以淵為弘化留守御衆寬簡人多附之煬帝以淵相表奇異名應圖識忌之淵懼縱酒納賂以自晦天下盜起以淵為山西河東撫慰大使承制黜陟討捕群盜多捷突厥寇邊詔淵擊之淵次子世民聰明勇決識量過人見隋室方亂



陰有安天下之志。與晉陽宮監裴寂。晉陽令劉文靜相結。文靜謂世民曰。今主上南巡。群盜萬數。當此之際。有真主驅駕而用之。取天下如反掌耳。太原百姓收拾可得十萬人。尊公所將兵復數萬。尊公指淵以此乘虛入關。號令天下。不過半年。帝業成矣。世民笑曰。君言正合我意。乃陰部署。而淵不知也。會淵兵拒突厥。不利。恐獲罪。世民乘間說淵順民心。興義兵。轉禍為福。淵大驚曰。汝安得為此言。吾今執汝告縣官。世民徐曰。世民觀天時。人事如此。故敢發言。必執告。不敢辭。死淵曰。吾豈忍告汝。慎勿出口。明日復說曰。人皆

通鑑敘裴寂言曰。二郎陰養士。馬欲舉大事。正為寂以宮人侍公。恐事覺。誅為此急計耳。裴情已恚。公意如何。

傳李氏當應圖讖。故李金才無故族滅。大人能盡賊則功高。不賞。身益危矣。惟昨日之言。可以救禍。此萬全策。願勿疑。淵歎曰。吾一夕思汝言。亦大有理。今日破家亡身。亦由汝。化家為國。亦由汝矣。先是裴寂私以晉陽宮人侍淵。淵從寂飲酒。酣寂曰。二郎陰養士。馬欲舉大事。正為寂以宮人侍公。恐事覺。誅為此急計耳。裴情已恚。公意如何。煬帝以淵不能禦寇。遣使者執詣江都。世民與寂等復說曰。事已迫矣。宜早定計。且晉陽士馬精強。宮監蓄積巨萬。代王幼冲。關中豪傑並起。公若鼓行而西。撫而有之。如探囊中物耳。淵乃召募起兵。遠近赴集。

南朝曰禪授自魏晉  
以來積習相沿借乎  
唐之君臣亦願於此  
而不能以漢為法也

仍遣使借兵於突厥世民引兵擊西河拔之斬郡丞  
高德儒數之曰汝指野鳥為鸞以欺人主吾與義兵  
正為誅佞人耳進兵取霍邑克臨汾絳郡下韓城降  
馮翊淵留兵圍河東自引兵西遣世子建成守潼關  
世民徇渭北關中群盜悉降於淵合諸軍圍長安克  
之立恭帝淵為大丞相唐王加九錫尋受禪立子建  
成為皇太子世民為秦王元吉為齊王○隋東都留  
守越王侗煬帝之孫也亦為衆所立稱帝於洛陽○  
秦主薛舉卒子仁果立○魏公李密與隋兵戰大敗  
降於唐○宇文文化及弒其所立主浩自稱許帝○涼

侗布席禮備曰願自  
今以往不復生帝王  
家

王李軌稱帝○唐秦王世民破秦秦王薛仁果降送  
長安斬於市至是二世○李密之將徐世勣子亦據  
密舊境降唐賜姓李○竇建德取河北諸州自稱夏  
王○李密叛唐唐人獲而斬之二年○夏主竇建德  
破宇文文化及誅之至是○隋主侗立一年王世充  
廢之而自立為鄭帝尋弒侗○唐遣將襲涼主李軌  
執歸殺之河西平至是○沈法興稱梁主於毗陵  
○李子通稱吳帝於江都○杜伏威降唐○唐秦王  
世民擊定陽將宋金剛破之定陽可汗劉武周及金  
剛皆走死至是○唐秦王世民督諸軍伐鄭○吳

主李子通襲梁主沈法興走死至是三年而亡○夏王竇

建德救鄭唐秦王世民大破擒之鄭王王世充降世

民至長安被黃金甲二十五將從其後鐵騎萬匹甲

士三萬獻俘太廟斬建德於市赦世充尋使人潛殺

之夏至是四年而亡○竇建德故將劉黑闥始起兵

於漳南○唐遣將李靖伐梁梁主蕭銑降送長安斬

之至是四年而亡○杜伏威擊吳王李子通執送長安伏誅

至是七年而亡○劉黑闥自稱漢東主○楚王林士弘卒其

衆遂散至是七年而亡○漢東將執黑闥降唐斬之至是二年而亡

○唐淮南道行臺僕射輔公祏反於丹陽唐將擊斬

建尚書臺於外謂之行臺行者猶行宮之行

之○慶州都督楊文幹反遣秦王世民討平之○突

厥入寇遣秦王世民禦之遇於豳州世民帥騎馳詣

虜陳告之曰我秦王也虜不敢戰受盟而退○唐興

七年僭偽皆亡天下既定是歲初置州縣鄉學帝親

詣國子學釋奠于先聖先師始定官制頒新律令定

均田租庸調法丁中之民壯之時也當強壯之時給田一頃百畝

為篤疾減十之六寡妻妾減七皆以十之二為世業

為世業二十畝八為口分八十畝每丁歲入租粟二石調隨

土地所宜綾絹絕布歲役二旬不役則收其傭日三

尺有事而加役者旬有五日免其調三旬租調俱免

先釋置其家而與安神位之前故謂之釋奠均田均給天下人田也租田賦也庸口賦也調戶賦也

水旱蟲霜十損四以上免租損六以上免調損七以上課役俱免民貲業分九等自上至下百戶為里五里為鄉四家為鄰四鄰為保在城邑者為坊田野者為村食祿之家無得與民爭利工商雜類無預士伍男女始生為黃四歲為小十六為中二十為丁六十為老歲造計帳三歲造戶籍○初唐之起晉陽皆世民之謀帝欲以世民為儲嗣世民固辭而止太子建成喜酒色遊畋齊王元吉多過失而世民功名日盛建成乃與元吉協謀傾世民曲意諂事諸妃嬪世民獨不事之由是左右皆譽建成元吉而短世民○武德

房玄齡杜如晦長孫無忌敬德等日夜勸世民決計世民命下之暮依張公謹取龜投地曰以決疑不疑何世民意決

九年六月太白經天見秦分建成元吉欲殺世民秦府僚屬勸王行周公之事力請乃決於是密奏兄弟專欲殺臣似為世充建德報讐明日帥兵伏玄武門建成元吉入覺有變欲還世民追射建成殺之尉遲敬德射殺元吉遂立世民為太子軍國事悉委太子處決然後開奏初東宮官屬魏徵屢勸建成除世民及是世民召徵責以離間兄弟徵舉止自若對不屈世民禮之王珪亦嘗為建成謀皆以為諫議大夫帝自稱為太上皇帝詔傳位於太子是為太宗文武皇帝

幼日以下至為名一行不若我者

希臘解立教稱子也歷山德之材曰吾願使汝得共國和公國小不足神汝材高祖置天策上將有此意而不盡焉

番猶次也六人為一番

○太宗文武皇帝名世民。幼日有書生見之曰：龍鳳之姿，天日之表。其年幾冠，必能濟世安民。書生去，高祖使人追之，不見。乃採其語為名。年十八，舉義兵。李密降唐，初見高祖，色尚傲。及見秦王，不敢仰見，退而歎曰：真英主也。高祖以秦王功高，特置天策上將位。在王公上，以秦王為之。開府置屬，開館以延文學之士。杜如晦、房玄齡、虞世南、褚亮、姚志廉、李玄道、蔡允恭、薛元敬、顏相時、蘇勗、于志寧、蘇世長、薛收、李守素、陸德明、孔穎達、蓋文達、許敬宗為文學館學士，分為三番。更日直宿。王暇日，輒至館中討論文籍，或至夜分。

瀛州山名，神仙居焉。

使閻立本圖像褚亮為賢號十八學士。士大夫得預其選者，時人謂之登瀛州。時府僚多補外，如晦亦出。玄齡曰：餘人不足惜，如晦王佐才，大王欲經營四方，非如晦不可。王即奏留之。使參謀帷幄，剖決如流。玄齡每入奏事，高祖曰：玄齡為吾兒謀事，雖隔千里，如對面語。秦王功蓋天下，身幾危，賴玄齡如晦決策至是即位，首放宮女三千餘人。○突厥頡利突利二可汗合十餘萬騎入寇，進至渭水，便橋之北。上自與房玄齡等六騎徑詣渭水上，與頡利隔水語，責以負約。突厥大驚，皆下馬羅拜。俄而諸軍繼至，旗甲蔽野，頡





五花謂被殺五雲獲之類中書舍人之判必書此被殺故當時謂之五花判事唐制自朝廷至郡縣決事皆有詞謂之判唐制中書省出詔令門下省審駁之詔令直差失則門下塗亂而本選謂之塗歸

其言○分天下為十道因山川形便曰關內河南河東河北山南隴右淮南江南劔南嶺南○遣將討梁師都其下殺之以降以其地為夏州至是十二年○太常祖孝孫奏唐雅樂前章此章共當在貞觀二年○貞觀二年又出宮女三千餘人○故事軍國大事中書舍人各執所見雜署其名謂之五花判事中書侍郎中書令省審之給事中黃門侍郎駁正之上謂王珪曰國家本置中書門下以相檢察卿曹勿雷同也時珪為侍中房玄齡杜如晦為僕射魏徵守秘書監參預朝政玄齡謀事必曰非如晦不能決及如晦至卒用玄齡策

救勒其先匈奴薛延陀回紇以下十五部總謂救勒

蓋玄齡善謀如晦善斷二人同心徇國故唐世稱賢相推房杜焉徵嘗告上曰願使臣為良臣勿使臣為忠臣上曰忠良異乎徵曰稷契皋陶君臣協心俱享尊榮所謂良臣龍逢比干面折廷爭身誅國亡所謂忠臣上悅○初突厥既強救勒諸部分散有薛延陀回紇等十五部皆居磧北頡利政亂薛延陀回紇等叛之加以民大飢羊馬多死奉使者還及邊帥皆言突厥可取之狀詔以李靖為定襄道行軍總管統諸軍討之靖襲破突厥於陰山頡利可汗遁走唐將擒之以獻時突利可汗先已入朝上處突厥降衆東自

幽州西至靈州分突利地為四州分頡利地為六州  
 左置定襄都督右置靈中都督以統其衆以突利為  
 順州都督頡利為右衛大將軍此章以下四節當在四年○林邑  
 遣使入貢○伊吾來降置伊西州○高昌王麴文泰  
 入朝○先是四夷君長詣闕請帝為天可汗上曰我  
 為大唐天子又下行可汗事乎群臣及四夷皆稱萬  
 歲自是後詔書賜西北君長皆稱天可汗○貞觀四  
 年蔡公如晦卒上語及必流涕○是歲大有年上之  
 初即位也常與群臣語及教化曰大亂之後其難治  
 乎魏徵對曰饑者易為食渴者易為飲封德彝曰三

便蒙唐斗蓋今三  
 升許武德四年所鑄  
 錢即開元通寶也

代以還人漸澆訛故秦任法律漢雜霸道蓋欲化不  
 能豈能之而不欲邪徵曰五帝三王不易民而化湯  
 武皆乘大亂之後身致太平行帝道而帝行王道而  
 王顧所行何如耳上卒從徵言元年關中饑斗米直  
 絹一匹二年天下蝗三年大水上勤而撫之未嘗嗟  
 怨至是天下大稔米斗三四錢終歲斷死刑纔十九  
通鑑人十九東至于海南及五嶺皆外戶不閉行旅不  
 齎糧取給於道路焉上曰魏徵勸我行仁義今既效  
 矣惜不令封德彝見之蓋德彝元年六月死矣○五  
 年林邑新羅入貢○党項內附開其地為十六州○

上親錄囚徒云歐陽脩論其非

七年春宴玄武門奏七德九功舞徵欲上偃武修文  
 每侍宴見七德舞輒俛首不視七德舞者秦王破陳  
 曲也見九功舞則諦觀之王珪罷徵為侍中○上親  
 錄囚徒見應死者閔之縱使歸家期以來秋就死仍  
 敕天下死囚皆縱遣至期來詣京師至是如期自詣  
 朝堂上皆赦之凡三百九十人○上奉太上皇置酒  
 未央宮上皇命頡利可汗起舞馮智戴南蠻酋長詠詩笑  
 曰胡越一家古未有也○八年吐蕃遣使入貢○九  
 年太上皇崩上皇即位九年而禪位至是又九年○  
 吐谷渾先是入寇涼州以李靖師諸軍討破之○十

越職言其勤勇越我左傳殺敵為果致果為數

年吐谷渾遣子入侍○治書侍御史權萬紀言宣饒  
 銀大發采之歲可得數百萬上曰卿未嘗進一賢才  
 而專言銀利昔堯舜抵璧於山抵櫛也投珠於谷漢之  
 桓靈乃聚錢為私藏卿欲以桓靈俟我耶黜之○定  
 府兵凡十道置府六百三十四而關內二百六十一  
 皆隸諸衛及東宮六率隸屬也上府兵凡千二百人中  
 府千人下府八百人三百人為團團有校尉五十人  
 為隊隊有正十人為火火有長每人兵甲糧裝各有  
 數輸之庫征行給之二十為兵六十而免能騎射者  
 為越騎其餘為步兵更命統軍別將為折衝果毅都

各當依本通鑑並作  
唐書兵志通鑑並作

尉每歲季各折衝都尉帥以教戰當給馬者官與直  
當宿衛者番上兵部以遠近給番遠疎近數皆一月  
而更○十三年夏旱詔五品以上言事魏徵言陛下  
比自觀初漸不克終者十條上深獎歎○十四年上  
詣國子監即大親釋奠是時大徵天下名儒為學官  
數幸國子監使之講論學生能明一經已上者皆得  
補官增築學舍千二百間增學生滿三千二百六十  
員自屯營飛騎亦給博士授經有能通經者聽得貢  
舉於是四方學者雲集京師乃至高麗百濟新羅高  
昌吐蕃諸酋長亦遣子弟請入國學升講筵者至八

千餘人以師說多門章句繁雜命孔穎達與諸儒定  
五經疏謂之正義○高昌王麴文泰先是多過絕西  
域朝貢及拘留中國人以侯君集為交河大總管將  
兵擊之至是滅高昌以其地為西州○十五年吐蕃  
求婚以文成公主嫁之○十七年鄭公魏徵卒上曰  
以銅為鏡可正衣冠以古為鏡可見興替廢以人為  
鏡可知得失徵沒朕亡一鏡矣徵葬上自製碑書石  
○圖畫功臣長孫無忌趙郡王孝恭杜如晦魏徵房  
玄齡高士廉尉遲敬德李靖蕭瑀段志玄劉弘基屈  
突通殷開山柴紹長孫順德張亮侯君集張公謹程

知節。虞世南劉政會。唐儉李勣。秦叔寶等。於凌煙閣。  
 ○太子承乾不才。魏主泰太子多能有寵。潛有奪嫡之志。侯君集負功。怨望。以承乾暗劣。欲乘釁。因勸之。反事。覺。廢為庶人。君集坐誅。泰亦以險詐。不立。立晉王治太子。為太子。魏徵嘗薦君集。上始疑徵阿黨。又有言。徵自錄前後諫辭。示起居郎褚遂良。上愈不悅。徵臨終。上面指公主。欲妻其子叔玉。至是。停其婚。路所立碑。○十八年。上親征高麗。先是高麗泉蓋蘇文。弑其君新羅。又遣使言。百濟與高麗連兵。謀絕新羅入貢之路。乞兵救援。上遂討之。先如洛陽。○十九年。

或云泉蓋蘇文名也。未詳是非。

綱目時謂遂良上疏。諫李勣勸上伐之。

上發洛陽。至定州。進諸軍。上渡遼水。拔遼東城。降白巖城。攻安市城。大破其救兵於城下。安市城險。兵精。堅守不下。議者欲拔烏骨城。渡鴨綠水。直取平壤。覆其本根。則餘可不戰而降。或又謂親征。異於諸將。不可乘危。上以遼左早寒。草枯水凍。士馬難久留。且糧將盡。敕班師。是行拔十城。徙戶口七萬。三大戰。斬首四萬餘級。然戰士死者幾三千人。戰馬死什七八。不能成功。深悔之。歎曰。魏徵若在。不使我有此行也。命馳驛祠徵。以少牢。復立所製碑。○二十年。上如靈州。遣李世勣擊薛延陀。破降之。招諭救勒諸部。回紇等。

羅馬王安。救稱中興。令辟常曰。殺敵千人。不若活民一人。太宗有耻焉。

范華陽曰。太宗玩武。不已。困於小夷。無異。於湯帝。蓋不能慎終。如始日新其德。而欲功過五帝。地廣三王。是以失之。然見危而。

思直臣知遇而能自悔此其所以為賢也便蒙欽勅即救勅通典欽勅蓋救勅音龍也

報千古昔大王岐山之汗高帝平城之圍皆夷狄之耻也今既皆得而臣之猶申報於前王矣迹功迹也理治也宗臣言唐家之諸臣以此二人為宗臣不敢指訖也

十一姓各遣使歸命乞置官司詔曰朕聊命備師逐擒頡利始弘廟畧已滅延陀欽勅百餘萬戶請為州郡混元以降殊未前聞宜備禮告廟仍頒示天下上為詩曰雪耻酬百王除兇報千古刻石於靈州○十二年司空梁公房玄齡卒上悲不自勝玄齡佐上定天下及終相位三十二年號為賢相然無迹可尋上定禍亂而房杜不言功王魏善諫諍而房杜讓其賢英衛善將兵英公李勣衛公李靖而房杜行其道理致太平善歸入主為唐宗臣○二十三年上有疾謂太子曰李世勣才知有餘然汝與之無恩我今黜之我死用

正誤徘徊不進良史言太宗以機數御李世勣世勣亦以機心而事君

傳音授自誅曰售

為僕射親任之若徘徊顧望則當殺之耳乃左遷疊州都督受詔不至家而去○上崩在位二十四年改元者一曰貞觀上雖以武功定禍亂終以文德綏海內常自以驕侈為懼嘗曰人主惟一心攻之者衆或以勇力或以辨口或以諂諛或以姦詐或以嗜欲輻湊各求自售人主少懈而受其一則危亡隨之此其所以難也嘗問侍臣創業守成孰難玄齡曰草昧之初群雄並起角力而後臣之創業難矣魏徵曰自古帝王莫不得之於艱難失之於安逸守成難矣上曰玄齡與吾共取天下出百死得一生故知創業之難

徵與吾共安天下常恐驕奢生於富貴禍亂生於所  
忽故知守成之難然創業之難往矣守成之難方與  
諸公慎之自知神來為臣下所畏常溫顏接群臣導  
人使諫賞諫者以來之惟末年東征之役褚遂良嘗  
諫不聽太子立是為高宗皇帝

○高宗皇帝名治母長孫皇后承乾廢長孫無忌力勸  
太宗立治在東宮七年太宗嘗作帝範十二篇以賜  
曰脩身治國盡在其中一且不諱更無言矣至是即  
位長孫無忌褚遂良受先帝遺詔輔政以李勣為左  
僕射尋為司空○永徽五年以太宗才人武氏為昭

范氏曰高宗欲廢立而猶難於顧命大臣取決於李勣之一言勣以為不可則武氏必不立矣勣非惟不諫入勣成之孽后之立無意遂良之死唐室中絕皆勣之由其禍豈不博哉太宗以勣為忠託孤幼而其大節如此書曰知久則哲惟帝其難之信哉

儀○六年上欲廢皇后王氏立武昭儀為后許敬宗  
李義府贊之遂良不可以問李勣勣曰此陛下家事  
何必更問外人事遂決褚遂良貶義府參知政事義  
府貌若溫恭與人嬉怡而狡險忌克人謂笑中有刀  
柔而害物謂之李猫○武后以長孫無忌不助己深  
怨之顯慶四年削無忌官黔州安置遂良先一年卒  
至是無忌與初議者柳奭韓瑗皆被殺○乾封元年  
上封泰山至亳州尊老君為太上玄元皇帝○以李  
勣為遼東大總管伐高麗○總章元年李勣拔平壤  
降其王高麗悉平置安東都護府○上元元年帝稱

天皇后稱天后。○初帝以賤妾子忠為太子。武后廢之。立后之子弘弘仁孝。中外屬心。忤后意。鴆之。其次曰賢。又以事廢之。而立其次哲。○上在位改元者十三。曰永徽。顯慶。龍朔。麟德。乾封。總章。咸亨。上元。儀鳳。永隆。開耀。永淳。弘道。凡三十四年。而政在中宮者三十年矣。自褚遂良等死後。群臣無敢諫者。李善感嘗因事一諫。人以為鳳鳴上陽。上崩。太子哲即位。是為中宗皇帝。

○中宗皇帝初名顯。改名哲。既即位。立韋妃為后。改元曰嗣聖。明年武后廢帝為廬陵王。而立其弟且且擁。

明年當作元年新唐書通鑑并云嗣聖元年

年二月戊午武后廢帝為廬陵王

虛器者。七年改元曰垂拱。曰永昌。太后廢且為皇嗣。而稱帝。是為則天武氏。○則天武氏。故荊州都督武士護之女也。護憂博反音霍大原人。年十四。太宗聞其美。召入後宮。以貞觀十一年為才人。時天下歌曲名斌媚娘。已成讖。貞觀末。太白屢書見太史占云。女主昌。又傳秘記。唐三世後。女主武王代有天下。太宗惡之。嘗與群臣宴。令各言小名。武衛將軍李君羨。官稱封邑。皆有武字。而小名五娘。太宗愕曰。何物女子。乃爾健邪。或奏君羨謀不軌。遂誅之。密問太史李淳風對曰。臣仰觀天象。俯察曆數。其人已在陛下宮中。不過三

通鑑左武衛將軍武連縣公武李君羨



一拘曰杯土指墳墓也

十年當王天下。教唐子孫殆盡其兆已成矣。太宗崩才八年二十四矣。為尼高宗幸寺見之而泣。時王皇后與蕭淑妃爭寵。密令長髮勸高宗納之。既入而后皆為所教。贈父士獲周國公。尋加贈太原王。高宗苦風眩不能視。百司奏事或使皇后決之。后性明敏。涉獵文史。處事皆稱旨。由是委以政事。權與人主侔。人謂之二聖。在高宗之世。后自殺。子弘廢。子賢。高宗既崩。子哲即位。廢為廬陵王。而立子且。后臨朝稱制。立武氏七廟。英公李敬業起兵討之。檄曰。一杯之土未

乾六尺之孤安在。又曰。試觀今日之域中。竟是誰家之天下。太后遣將擊殺之。越王貞高宗弟又舉兵匡復。不克而死。太后遂大殺唐宗室。自名聖音照稱皇帝。國號周。以且為皇嗣。改姓武。時聖年六十七矣。初寵僧懷義。後寵張易之。張昌宗兄弟居中用事。易之五郎。昌宗六郎。佞者曰。人言六郎似蓮花。吾謂蓮花似六郎耳。聖知人心不服。且內行不正。畏人議己。盛開告密之門。用酷吏侯思止。索元禮。周興。來俊臣。吉頊等。鍛鍊羅織。率以反逆誣人。誅殺不可勝紀。用此拊制天下。持然有權數善用人。賢才亦樂為之用。徐有

卷之八 唐史 卷之八

薛文清曰：蓋惡之心人皆有之，師德豈無是心而忍於唾面自乾耶？蓋以武后亂朝，酷吏羅織，故為此忍耐之言，以訓其弟，殆有得於言孫然容之戒矣。

功仁恕執法，墨每屈意從之。將相多得人，魏元忠、畢師德、狄仁傑、姚元崇皆名相，宋璟亦顯於朝。師德寬厚清慎，犯而不校。弟除代州刺史，師德謂兄弟榮寵過盛，人所疾也，何以自免？弟曰：自今人雖唾某面，拭之而已。師德愀然曰：色變也。此所以為吾憂也。人唾汝面，怒汝也，而拭之，則逆其意而重其怒矣。唾不拭，自乾，當笑而受之耳。師德每薦仁傑，而仁傑每毀師德。墨語仁傑曰：朕用卿，師德所薦也。仁傑退而歎曰：婁公盛德，我為所容久矣。武承嗣三思營求為太子，仁傑從容言於墨曰：太宗擲風沐雨，親冒鋒鏑，以

高宗謚天皇大帝

一作君正，蓋龍中物。

定天下，傳之子孫。太帝以二子托陛下，今乃欲移之他族，無乃非天意乎？姑姪與母子孰親？陛下立子，則千秋萬歲後，配食太廟，立姪則未聞姪為天子，而祔姑於廟者也。墨稍悟，已而又力勸之，遂自房州召廬陵王還都，立為皇太子。以子且為相王，仁傑最見信重。好面折廷爭，墨常屈從，稱為國老，而不名。仁傑卒，墨泣歎：元行沖博學多通，仁傑重之行沖多規諫，曰：明公之門珍珠多矣，請備藥物之末。仁傑笑曰：吾藥籠中物，何可一日無也？姚元崇等數十人皆仁傑所薦。或曰：天下桃李悉在公門矣。仁傑曰：薦賢為國，非

為私也。墨嘗問仁傑欲得一佳士用之。仁傑曰：有張柬之者，雖老宰相才也。後竟用柬之為相，墨寢疾甚。柬之與崔玄暉通鑑作暉、敬暉、桓彥範、袁恕己率羽林將軍李多祚等舉兵討內亂，迎太子於東宮，斬關入，斬易之。昌宗於廡下，遷墨於上陽宮，上尊號曰則天大聖皇帝。是冬，殂。年八十二。易唐為周者十有六年。改元者十。曰天授，如意，長壽，延載。曰萬歲，通天。曰神功。聖曆。久視。大足。長安。長安之五年，帝復位，號唐帝。即位二月而被廢，居均州者一年。居房州者十三年。還為太子者八年。而後及正。韋氏復為皇后，上在房

公主，上子女也。點籌記點數也。

墨教，墨書教命，無朱色印信者也。斜封，不敢正封，付與中書施行除官也。

陵每欲自殺，后每止之。上與私誓，異時幸復見天日，惟所欲不禁。至是，每臨朝，后必施帷幔坐殿上，預聞朝政。如武氏在高宗之世，上女安樂公主適武三思之子武崇訓。三思以是得入宮禁，通於韋后。后與三思、雙陸而上為點籌，上遂與三思圖議政事。張柬之等皆受制，五人皆賜王爵而罷政。已而遠貶，殺之。安樂公主等依勢用事，請謁受賕，降墨教除官，斜封付中書。時謂之斜封官。凡數千人。人有上言皇后淫亂，上面詰之。其人抗言不撓。中書令宗楚客矯制撲殺之。上意怏怏，后及其黨始懼。馬秦客、楊均皆幸於后，恐

通鑑事宗在位九年

事泄安樂公主亦欲后臨朝以己為皇太女乃相與謀於餅飲中進毒上復位改元者二曰神龍景龍景龍四年而遇弒立温王重茂后攝政相王子隆基起兵討亂斬后及安樂公主并其黨皆誅之廢重茂奉相王立之是為睿宗皇帝

欽明時為國子祭酒因飲宴而舞為諸醜

睿宗皇帝名旦初高宗崩中宗廢武氏立且為帝者七年矣而廢為周皇嗣者九年改封相王者十年至是復為帝立隆基為太子宋璟姚元之為政二人協心革弊政進忠良退不肖賞罰盡公請托不行紀綱脩舉當時翕然貶祝欽明等欽明嘗為八風舞人曰

為凡言掃地者謂切之盡而無餘也

通鑑注處節也定也分所黨也

五經掃地矣○帝妹太平公主於誅二張誅韋氏時皆有力既屢立大功勢尊重一作益上嘗與議政權傾人主其門如市憚太子英武欲易之賴韋安石宋璟張說姚元之等感悟上意政事皆取太子處分上自復為帝改元者二曰景雲太極至是三年自稱太上皇傳位太子是為玄宗皇帝

玄宗明皇帝名隆基初為臨淄王韋氏之亂陰聚才勇之士密謀匡復太宗初選驍勇為百騎武后增為千騎隸左右羽林中宗謂之萬騎置使領之隆基皆厚結其豪傑卒誅韋氏奉睿宗封為平王睿宗將建

黃衣官長者之服  
廢食衣於衣也

司馬溫公曰明皇始  
欲為治能自刻厲節  
儉如此晚節猶以奢  
敗甚哉者靡之易初  
溺也詩云靡不有  
初鮮克有終可不慎  
哉  
又曰姚崇唐之賢相

儲嫡長子成器以平主有功力讓之遂為太子尋受  
禪○開元元年高力士為右監門將軍知內侍省事  
初太宗定制內侍省不置三品官黃衣廩食守門傳  
命而已至是除三品將軍者寢多宦官增至三千人  
內侍之盛始此○姚崇為紫微令中書○二年以太  
常不應併典俗樂置左右教坊謂之皇帝梨園弟子  
○焚珠玉錦綉於殿前○作興慶宮置樓西曰花萼  
相輝南曰勤政務本宋王成器等宅環其側○三年  
盧懷慎為黃門監懷慎清謹儉素妻子不免饑寒所  
居不蔽風雨姚崇嘗謁告十餘日政事委積懷慎不

懷慎與之同心以為  
太平之政泰誓所謂  
定能成之者懷慎之  
謂矣

琅琊代醉編曰懷慎  
身為上相家無滯石  
政々體國至死益堅  
屬妾則念明皇隆勳  
將有險人乘間之患  
遺言則為宋璟諸賢  
以為社稷無窮之謀  
豈區々才智之士矜  
職目前以為功心已  
出者能爾耶史以伴  
食譏之亦俗見耳

檢校括括使各附籍  
土著當差

能決崇出須臾裁決盡顧謂齊澣曰我為相何如澣  
曰可謂救時之相懷慎知才不及每事推崇時謂之  
伴食宰相○四年姚崇罷宋璟為黃門監璟為相務  
擇人百官各得其職好犯顏正諫上甚敬憚之璟與  
姚宗相繼為政崇善應變璟善守文志操不同然協  
心輔佐使賦役寬平刑罰清省百姓富庶唐世賢相  
前稱房杜後稱姚宋佗莫得比二人每進見上輒為  
之起去則臨軒送之○八年宋璟罷○九年宇文融  
言天下戶口逃移巧偽甚眾請加檢括同平章事源  
乾曜贊成之以融為勸農使奏置勸農判官十人分

廣音義張守節也府  
兵法張說說請其夫  
宿衛更宿衛

行天下競為刻急州縣承風勞擾百姓苦之○同三  
品張說建議召募壯士旬日得精兵十三萬分隸諸  
衛更番上下上謂宿衛  
下謂歸家兵農之分始此○十三年更  
命長從宿衛為曠騎○二十一年韓休同平章事休  
為人峭直峭峻也上或宴遊小過輒謂左右曰韓休知  
否言終諫疏已至左右曰休為相陛下殊瘦於舊上  
歎曰吾雖瘠天下肥矣休罷張九齡繼之○二十二  
年九齡為中書令李林甫同三品林甫柔佞多狡數  
狡稱  
術數深結宦官及妃嬪家伺上動靜無不知之由是  
每奏對常稱旨○二十四年幽州節度使張守珪執

新舊書同作乳祿山  
本姓康母阿史德濟  
乳祿山而生祿山故  
遂名乳祿山

通鑑初上欲以林甫  
為相問於九齡對曰  
宰相豈國安危陛下  
相林甫臣恐異日為  
社稷之憂上不從

敗軍將安祿山送京師張九齡批曰守珪軍令若行  
祿山不宜免死上惜其才勇赦之九齡力爭曰祿山  
有反相不誅必為後患上曰卿勿以王夷甫識石勒  
枉害忠良竟不誅祿山本營州雜胡也初名阿摩山  
母再適安氏故冒其姓部落破散逃來狡黠為守珪  
所愛又有史宰子者與祿山同里閤里門亦驍勇守  
珪遣入奏事上賜名思明○千秋節群臣皆獻寶鏡  
九齡述前世興廢為千秋金鑑錄五卷上之○九齡  
罷李林甫兼中書令上在位久漸肆奢欲林甫遂得  
專政○二十六年立忠王為太子上第○二十九年

以安祿山為營州都督祿山傾巧善事人上左右至平盧皆厚賂歸譽之上益以為賢○天寶元年以祿山為平盧節度使○二年祿山入朝○三年改年曰載○以祿山兼范陽節度使○四載以楊大真為貴妃故蜀州司戶玄琰女也為上子壽王妃十年矣上見其美令自以其意乞為女官且為壽王別娶而後納之遂專寵○六載以祿山兼御史大夫祿山請為楊貴妃兒九載賜祿山爵東平郡王兼河北道採訪處置使祿山入朝楊釗兄弟姊妹皆往戲水迎之釗貴妃之從祖兄也得出入禁中先是判度支屢奏幣

藏充叔上帥群臣觀之由是視金帛如糞土賞賜無限賜釗名國忠○十載為安祿山起第窮極華麗上日遣諸楊與之游祿山體肥大上嘗指其腹曰此胡腹中何所有對曰有赤心耳祿山入禁中先拜貴妃上問其故曰胡人先母而後父祿山生日賜羊甚厚後三日召入貴妃以錦綉為大襦襦使宮人以絲輿昇之昇音余對舉也上聞歡笑問故左右以貴妃洗祿兒對上賜妃浴兒金銀錢盡歡而罷自是出入宮掖通宵不出頗有醜聲聞于外上亦不疑又以祿山兼河東節度使李林甫與祿山語每揣知其情先言之祿山

列馬以為儀仗

驚服。每見盛冬必汗。謂林甫為十郎。既歸范陽。其下自長安歸。必問十郎何言。得美言則喜。或但云語安大夫。須好點檢。即日噫嘻我死矣。○十一載李林甫卒。林甫媚事。上左右迎合。上意以固寵。杜絕言路。掩蔽聰明。嘗語諸御史曰。不見立仗馬乎。一鳴輒斥去。妬賢嫉能。排抑勝己。性陰險。人以為口有蜜。腹有劍。每夜獨坐偃月堂。有所深思。明日必有誅殺。屢起大獄。自太子以下皆畏之。在相位十九年。養成天下之亂。而上不悟。然祿山畏林甫術數。故終其世未敢反。是歲國忠為相。言祿山必反。且曰。試召必不來。○十

三載祿山聞召。即至上。由是不信國忠之言。加祿山左僕射而歸。○十四載祿山請以蕃將代漢將。上猶不疑。表請獻馬三千匹。每匹二人執轡。音控。馬勒。二十二將部送河南。上始疑之。遣使止其獻。祿山踞床不拜。曰。馬不獻亦可。十月當詣京師。使還亦無表。是冬祿山遂反。發所部兵及奚契丹凡十五萬。發范陽。引而南。步騎精銳。煙塵千里。時承平久。百姓不識兵革。州縣皆望風瓦解。進陷東京。○平原太守顏真卿起兵討賊。上始聞河北從賊數。曰。二十四郡曾無一人義士邪。及真卿奏至。大喜曰。朕不識真卿何狀。乃能如

便蒙何狀。猶言何如人。



此○常山太守顏果卿起兵討賊河北諸郡皆應之

真卿從兄○十五載安祿山僭號稱大燕皇帝○賊將史

思明陷常山執顏果卿送洛陽祿山數其反已果卿

曰我為國討賊恨不斬汝何謂反也臊羯狗罵何不

速殺我祿山大怒縛而高之焉音寡別內比死罵不

絕口○真源令張巡帥吏民哭於玄元皇帝廟起兵

於雍丘討賊○朔方節度使郭子儀河北節度使李

光弼與賊將史思明戰大破之首復河北數郡副元

帥哥舒翰與賊戰大敗麾下執翰降賊賊遂入關上

出奔次于馬嵬將士飢疲皆憤怒殺揚國忠等及逼

後發貴妃也於書中有所表記之也

上繼殺貴妃然後發父老避道請留上命太子慰撫

之父老擁太子馬不復得行使皇孫倣白上上曰天

也使喻太子曰汝勉之西北諸胡吾撫之素厚汝必

得其力且宣旨欲傳位太子至平涼朔方留後杜鴻

漸迎入靈武請遵馬嵬之命牋五上乃許尊上為上

皇天帝上在位四十五年改元者三曰先天開元天

寶太子立是為肅宗皇帝

○肅宗皇帝初名璵改名亨自忠王為太子二十年而

遇祿山之亂至是即位京兆李泌自幼以才敏聞上

在東宮嘗與泌為布衣交遣使召之謁見於靈武事

無大小與之謀。上皇至成都，遣冊寶如靈武。○遣使徵兵於回紇。○招討節度使房琯與賊戰于陳濤邪，琯用車戰大敗。○至德二載，安慶緒殺祿山，自起兵以來目昏，至是不復見物，又病疽，躁暴欲以嬖妾子代慶緒為嗣。慶緒使人弑之，而自立。祿山僭號僅一年餘。○上至鳳翔，回紇遣子葉護將精兵四千人至，天下兵馬都元帥廣平王儼、副元帥郭子儀將朔方等軍，及回紇西域之衆，發鳳翔至長安，擊賊賊大潰。大軍入西京，儼留鎮撫三日，引軍東出至洛陽，與回紇夾擊賊大敗，遂復東京。安慶緒走保鄴。○賊將尹

時上皇與肅宗避賊長安，謂郭子儀曰：事之濟否在此行也。對曰：此行不捷臣必死之。

子奇陷睢陽，張巡許遠死之。巡先守雍丘，移軍寧陵，屢破賊，既而入睢陽，與遠共守，屢却賊，食盡，或欲棄城。巡遠謀曰：睢陽江淮之保障，若棄之，賊必長驅，是無江淮也。不如堅守，以待救。食茶紙盡，遂食馬，馬盡，羅雀掘鼠，雀鼠又盡。巡殺愛妾以食士，四萬人僅餘四百，終無叛者。賊登城將士困病不能戰。巡西向再拜曰：臣力竭矣，生既無以報陛下，死當為厲鬼以殺賊。賊遂陷，巡遠被執，南霽雲、雷萬春等三十六人皆被殺。○上皇發蜀郡還西京。○乾元元年，命郭子儀等九節度討安慶緒。是歲復改○二年，史思明引兵

元年之後以官官原朝意節制之

救慶緒九節度之兵潰于鄴。思明殺慶緒，還范陽，僭號仍稱大燕皇帝。○李光弼代郭子儀為朔方節度使，兵馬元帥。光弼號令嚴整，始至，號令一施，士卒壁壘，旗幟精明，皆變。與史思明戰，屢敗之。○上元元年，太僕卿李輔國遷上皇於西內，上皇愛興慶宮，自蜀歸，即居之多，御樓父老過者，往往瞻拜，呼萬歲。上皇常於樓下賜以酒食，又嘗召將軍郭英乂等，上樓賜宴，輔國言：上皇居興慶，日與外人交通，陳玄禮、高力士謀不利於上，數啓上遷之，不許。乘上不豫，率眾劫遷上皇，日以不懌，因不茹葷，肉辟穀，寢以成疾。○二年，史朝

劉劄曰：夫祿山思明狡黠，有餘矣。狡而僭稱坐席未暖，而又及于腹天之報，施亦速矣。而亂臣賊子足相驅，夫豈不察程數乎。

義思明子殺史思明，思明愛少子而惡朝義，因其敗軍，欲斬之。朝義使人射殺思明而自立。○李光弼為太尉，統八道行營鎮臨淮。○寶應元年，郭子儀知諸道節度行營，兼興平、定國等軍副元帥，復入朔方。○上皇崩於西內，傳位後七年也。壽七十八。○上寢疾，聞上皇登遐，轉劇，遂崩。在位七年。改元者四，曰至德、乾元、上元、寶應。初，張皇后與李輔國相表裡，專權用事，晚更有隙。上疾篤，后召太子，謂曰：輔國又典禁兵，陰謀作亂，不可不誅。太子恐震驚上體，不可。輔國聞其謀，上崩，殺后而後引太子立之，是為代宗皇帝。

通鑑注自安史之亂肅宗幸長安方河北之地皆投將後遂效武國監相依以土地傳子孫謂之藩鎮

○代宗皇帝初名俶封廣平王為元帥定兩京封楚王改成一王已而為太子改名豫至是即位誅李輔國以雍王适為天下兵馬元帥率諸將及回紇援兵討史朝義大敗之賊將李懷仙斬朝義以降以賊將張志忠鎮成德軍賜姓名李寶臣薛嵩鎮相衛邢洛名貝布蓋磁音等州田承嗣鎮魏博德滄瀛等州李懷仙鎮盧龍朝廷厭苦兵革苟冀無事因而授之諸鎮自為黨援河朔敢抗朝命始此○廣德元年吐蕃入寇上出奔陝州吐蕃入長安關內副元帥郭子儀擊之吐蕃遁去○二年流官者程元振元振初附李輔國

輔國死元振專權自恣尤甚忌諸將有大功者欲害之吐蕃入元振掩蔽不以時奏致上狼狽中外切齒至是流秦州○臨淮王李光弼卒上之幸陝光弼不至上撫之加厚素與子儀齊名及在除州擁兵不朝麾下諸大將不復尊畏光弼愧恨成疾而死○永泰元年平盧將李懷玉逐節度使侯希逸而自知留後詔因而授之賜名正己○叛將僕固懷恩誘回紇吐蕃入寇召郭子儀屯涇陽懷恩道死一虜爭長不睦子儀遣人說回紇欲共擊吐蕃先是懷恩欺回紇謂子儀已死使至回紇不信曰郭公在可得見乎使還

子儀時為中書令故號曰令公

易曰鼎折足覆公餗餗者實也謂居大臣之位當天下之任而用非其人至於覆餗

報子儀與數騎出使人傳呼曰令公來回紇大驚藥  
葛羅執弓矢立陣前子儀免胄釋甲而進諸酋長相  
顧曰是也皆下馬羅拜子儀亦下馬執手與之語取  
酒相與誓約而還吐蕃聞之夜遁諸軍與回紇共追  
大破之○三年幽州將朱希彩殺李懷仙詔因以希  
彩領鎮○大曆五年誅宦者魚朝恩朝恩在肅宗時  
嘗為觀軍容使軍容之名始此九節度相州之敗其  
時也至廣德初為天下觀軍容宣慰處置使專總禁  
兵勢傾朝野大曆初判國子監升座講鼎覆餗以譏  
宰相王璿怒元載怡然朝恩曰怒者常情笑者不可

乃不勝其在可羞也

測也朝政有不預者輒怒曰天下事有不由我者邪  
上聞之不懌載乘間奏其專恣不軌遂誅之○七年  
盧龍將殺朱希彩而以朱泚領鎮詔因授之○九年  
朱泚以弟滔領鎮而入朝通鑑九○十二年有告元  
載圖不軌者案問賜死籍其家胡椒至八百斛他物  
稱是○以楊瑄常袞同平章事瑄素清儉制下郭子  
儀方宴減坐中聲樂五分之四京兆尹黎幹驕從甚  
盛即日省之止存十騎瑄相三月而卒上痛悼之曰  
天子不欲朕致太平何奪朕楊瑄之速也○十四年  
田承嗣卒姪悅代之○淮西將李希烈逐節度使李

騶從謂車馬及隸卒也

臣詔因以鎮授希烈○上在位十八年改元者三日  
廣德永泰太曆崩太子立是為德宗皇帝

○

德宗皇帝名适自雍王為太子至是即位○常袞以  
欺罔貶崔祐甫同平章事祐甫欲收時望未二百日

除官八百人上曰人謗卿所用多涉親故何也對曰

臣為陛下擇人不敢不慎非親非故何以諳其才行

而用之也諳曉○淄青李正己畏上威名表獻錢三十

萬緡崔祐甫請遣使慰勞淄青將士因以賜之正己

慚服天下以為太平庶幾可望○上方勵精求治不

次用人祐甫薦楊炎自司馬除為同平章事既而祐

司馬溫公曰用人者無親疎新故之殊惟賢不肖之為察夫天下之賢固非一人所能盡也若必待素識熟其才行而用之所遺亦多矣

楊炎建議作兩稅法夏輸錢過六月秋輸無過十一月置兩稅使以總之

甫病不視事○建中元年始作兩稅法夏稅秋稅唐初賦

斂之法有田則有租有身則有庸有戶則有調玄宗

之末版籍寢壞至德兵起所在賦斂迫趣取辦無復

常準下戶不勝困弊率皆逃徙至是楊炎建議先計

州縣每歲所用及上供之數而賦於人量出以制入

戶無主客主元居客寄居以見居為簿人無丁中以貧富為

差為行商者在所州縣稅三十之一居人之稅秋夏

兩徵之其租庸調雜徭悉省○崔祐甫卒○殺忠州

刺史劉晏晏善治財計自肅宗代宗以來領戶部度

支鑄錢鹽鐵轉運等事以同平章事充使通漕運幹

德宗即位之初詔尊  
郭子儀為尚父  
郭子儀每見帝  
妾不離側把臂往問  
疾子儀恐辱侍妾獨  
隱几待之或問其故  
子儀曰和親而心  
險婦人輩見之必笑  
他日把得志吾族無  
遺類矣

鹽利也制百貨之低昂軍國之用賴以充足然久  
典利權眾頗疾之又與楊炎不相悅竟貶忠州人希  
炎告晏怨望上遣人縊之○二年成德李寶臣卒  
子惟嶽自領軍務後王武俊斬而代之○揚炎盧杞  
同平章事炎未幾罷杞藍面鬼色有口辨上悅之○  
尚父太尉中書令汾陽忠武王郭子儀卒子儀以身  
為天下安危者三十年功蓋天下而主不疑位極人  
臣而眾不疾嘗遣使至魏博田承嗣西望拜之曰茲  
膝不屈於人久矣今為公拜校中書令凡二十四考  
家人三千人八子七婿皆顯諸孫數十人每問安不

文獻通考屋三架為  
間上開錢二千中間  
一千下開五百便  
蒙陌通作陌謂言錢  
也蓋買賣各每稱  
算五十錢則官除留  
百錢也故謂之陌陌  
錢

能盡辨額之而已額當作領年八十三而終通鑑

○平盧李正己卒子納自領鎮朱滔田悅王武俊李  
納先後皆反○三年四人皆自稱王○李希烈反○

兩河用兵府庫不支數月先括富商錢增諸道稅四  
年行稅間架除陌錢等法○李希烈寇襄城詔發涇

原等道兵救之涇原節度使姚令言將兵過京師犒  
師惟糲食菜餒眾怒作亂入城上出奔亂兵奉太尉

朱泚為主司農卿段秀實謀誅泚不克泚召眾議稱  
帝秀實唾其面大罵以笏擊泚額血濺地泚殺之遂

僭號大秦皇帝先是有術士桑道茂言數年後有離

宮之厄奉天有天子氣宜高大其城以備非常上從之至是遂奔奉天此犯奉天李晟率兵赴援渾瑊擊此破之奉天圍解李懷光赴難亦破此兵至奉天欲入白盧杞之姦杞隔之不得入見而行上表暴杞惡衆論亦喧騰各杞上不得已遠貶之○興元元年大赦陸贄勸上罪己以謝天下奉天所下書詔驕將悍卒聞之無不感激揮涕王武俊田悅李納上表謝罪○李希烈僭號大楚皇帝○置瓊林太盈庫於行宮陸贄諫去其榜木片題署曰榜○李懷光反上奔梁州○魏博田緒殺田悅自領軍府緒悅姪○李晟克復長安朱

露布其克復之事於帛建於漆竿露布不封以示中外

此走其將斬之以降晟露布至行在曰臣已肅清宮禁祇謁寢園鐘簾不移廟貌如故上覽之泣曰天生李晟以為社稷非為朕也○車駕還長安○顏真卿為李希烈所殺先是真卿為盧杞所陷遣奉使希烈所人言失一元老為國家羞至賊中留之將二歲不屈竟為賊所縊○貞元元年盧杞量移將再入而卒○幽州朱滔卒○馬燧及諸軍平河中李懷光縊死○二年淮西將陳仙奇殺李希烈以降吳少誠殺仙奇朝廷因以少誠領鎮○三年張延賞同平章事先是吐蕃尚結贊據鹽夏州李晟嘗破其一堡渾瑊馬





也。通鑑觀察使遣判官督其賦。手別裁。先自囚於獄。

死交與勿頭之交義。同端倪。在子注端緒。倪畔也。

○曰建中興元貞元初政清明者二歲而盧杞用矣。叛亂相繼末年姑息而已。息猶安也。太子立是為順宗皇帝。順宗皇帝名誦。方為太子時有善書者王伾善棋者王叔文俱出入娛侍。因言某可相某可將。幸異日用之。密結學士韋執誼及朝士有名而求速進者。陸淳呂溫李景儉韓曄韓泰陳諫柳宗元劉禹錫等定為死交。日與游處。蹤跡詭秘。莫有知其端倪者。德宗崩太子即位。先是有風疾失音。五閱月矣。伾叔文等用事。○追陸贄陽城赴京。未至卒。○上在位改元曰永貞。僅八月。自稱太上皇。傳位於太子。是為憲宗。章武

皇帝

○憲宗皇帝名純。年二十八為太子監國。尋即位。貶王伾王叔文。伾病死。叔文賜死。其黨皆遠貶。○元和元年西川節度使劉闢反。同平章事杜黃裳薦高崇文討之。○夏州留後楊惠琳拒朝命。詔討之。為兵馬使所斬。○高崇文克成都。擒劉闢。送京師斬之。○二年鎮海節度使李錡反。詔討之。兵馬使執錡。送京師斬之。○三年沙陀朱邪盡忠與其子執宜來降。沙陀勁勇寇諸胡吐蕃。每戰以為前鋒。後疑其貳於回鶻。欲遷之河外。懼而歸。唐置之靈州。用以征討。皆捷。○自

鵬本在德宗時改之。謂為也。其義揚之義。

批直於黃紙後批寫不可也素紙謂別用白紙書之連綴後

杜黃裳以後相繼為相者武元衡李吉甫裴坦李藩李絳皆賢相均嘗為李吉甫疏人才三十餘數月用盡翕然稱為得人均器局峻整人人不敢干以私藩嘗為給事中制敕有不可者即批之吏請更連素紙藩曰如此則狀也何名批敕均薦之為相知無不言絳鯁直吉甫善逢迎絳每與爭論於上前上多直絳時在朝如崔群白居易等皆讜讜直元和之世朝廷清明以此○七年魏博兵馬使田興請更奉貢詔以為節度使遣裴度宣慰賜錢百五十萬絳獨其軍六州百姓皆給復一年軍受賜歡聲如雷成德兗鄆諸

鎮使者見之相顧失色歎曰倔强者果何益乎倔強貞賜興名弘正○初彰義節度使吳少誠死弟少陽自領軍府小陽陰養亡命少陽死子元濟自領軍府縱兵侵掠及東畿詔發十六道兵討之平盧節度使李師道請赦元濟不許裴度宣慰准西行營還言准西可決取上悉以兵事委同平章事武元衡師道素養刺客姦人客請密往刺元衡則他相必爭勸天子罷兵矣元衡入朝賊暗射殺之又擊度傷首上怒討賊愈急以度同平章事上曰吾倚度一人足破賊命度兼彰義節度使充淮西宣慰招討使督諸軍進討

想李愬之子胡三省曰凡大城謂之羅城小城謂之子城又有第三重城以節節度使居宅謂之子城

唐鄧節度使李愬先擒賊將丁士良吳秀琳李祐釋而用之用祐計雪夜七十里引兵入蔡州城擊鶴鳴池混軍聲鷄鳴入據元濟之外宅元濟登牙城拒戰已而就擒檻送京師斬之自叛及誅凡用兵二歲時元和十二年也淮西既平上浸驕侈先是二歲已用李逢吉同平章事至十三年又用度支使皇甫鏞鹽鐵使程元進羨餘有寵並同平章事朝野駭愕元和之政非矣○十四年迎鳳翔法門寺塔佛指骨至京師留禁中三日暨送諸寺王公士民瞻奉捨施惟恐不及侍郎韓愈上表極諫乞以投之水火上大怒貶

羅馬羅基路在位之三十七年大開突厥風雨晝晦諸官驚駭王詔曰王為神上天去矣與藥殺同而人信之乎將厭其德也

辰以釋為故曰丹辰其制如屏風見書傳

潮州刺史○平盧將執斬李師道○裴度罷○十五年上暴崩上服金丹多躁左右獲罪有死者人人自危宦者陳弘志弒逆其黨諱之但言藥發在位十六年改元者一曰元和太子立是為穆宗皇帝

為敬宗皇帝○敬宗皇帝名湛徒咸切即位荒淫嬖倖用事○李德裕獻丹衣六箴成於切一曰宵衣二曰正服三曰罷獻四曰納誨五曰辨邪六曰防微○上游戲無度性復褊急宦官動遭捶撻皆怨夜獵還宮酒酣為宦者劉克

明所裁在位三年改元者一曰寶曆江王立是為文宗皇帝

○文宗皇帝名湏穆宗子也敬宗弟為宦者王守澄所立

後改名昂太和二年親策制舉人宦者益橫建置天子

在其掌握權出入主之右無人敢言賢良方正劉

黃音黃對策極言之考官皆歎服而不敢取中第者裴

休李郃杜牧崔慎由等二十二人皆除官物論囂然

稱屈郃曰劉黃下第我輩登科能無顏厚上疏乞回

所授官於黃不報○太和五年上與同平章事宋申

錫謀誅宦官不克申錫貶死○九年上與李訓鄭注

唐取者三由學館者曰生徒由別縣者曰鄉貢皆分於有司而並選之其天子自詔者曰制舉所以待非常之士黃兼書曰忠賢無腹心之寄聞寺持教立權者不得正其終陛下不得黃始物論之物謂人也顏厚所不知也回回移也乞回所授官授黃以推黃也

等謀誅宦官不克注本宦者王守澄所引訓本名仲言又為注所引得見守澄守澄薦於上侗儻尚氣有文辭口辯多權數上悅之訓注揣知上意數以微言動上上意其可謀大事以誠告之訓注遂以誅宦官為己任訓既與注勢位俱盛頗忌注託以中外協勢出注鎮鳳翔進擢宦者仇士良以分王守澄之權訓同平章事請除守澄遣中使鳩殺之注始與訓謀至鎮遣壯士數百入護守澄葬仍請令內臣盡送然後殺之無遺類訓心以為如此則功專歸注乃謀先發令人奏金吾廳事後石榴有甘露宰相帥百官拜賀

德宗時分左右羽林為神策兵

通鑑每延英講事士良等動即訓注折率相鄭覃李若曰訓注誠為亂首但不知訓注始因何人得進前者猶屈縉紳類之

後勸上往觀上令宰相先往視訓陽言非真上顧仇士良帥諸宦官往視士良等既至見風吹幕起執兵者無數驚走告變訓呼金吾衛士等上殿僅擊死傷宦者十餘人知事不濟而走士良等命神策兵殺金吾吏卒執宰相王涯賈餗舒元興等誣以謀反腰斬之訓之謀惟元興知之他相實不知也自是天下事皆決於北司官宰相行文書而已李訓為人所殺傳首鄭注亦為鳳翔監軍宦者所殺○開成三年司徒中書令晉公裴度卒度自憲宗時罷相後無意世事治園池有綠野堂子午橋等別墅之勝與詩人觴詠

自誤穆宗敬宗時皆嘗一入輔政至上之世亦嘗平章軍國重事與時浮沈而已然四朝將相威望遠達四夷四夷見唐使輒問度安否以身繫國家輕重如郭子儀者二十餘年○五年上崩上即位之初勵精求治去奢從儉中外翕然謂太平可冀然制於宦寺竟不能有為嘗問宰相何時太平牛僧孺答以太平無象末年嘗問近臣朕何如周報漢獻對者無然上曰報獻受制強臣今朕受制家奴殆不如也在位十五年改元者二曰太和開成弟穎王立是為武宗皇帝

憲宗元和三年初武  
賢良方正宗閔痛詔  
當路吉甫時居相位  
惡之

○武宗皇帝名漚穆宗子也。文宗嘗之敬宗子成美為太子。臨崩欲以成美監國。宦者以為立不由己廢之。而立漚為太弟。遂殺成美而即位。後改名炎。以李德裕同平章事。德裕在穆宗初為學士。以李宗閔者嘗對制策。譏切其父吉甫恨之。構貶宗閔。自是各分朋黨。更相排軋者。頃垂四十年。在文宗時。德裕為侍郎。裴度薦其可為相。宗閔有宦官之助。遂相。惡德裕逼己而出之。且引牛僧孺並相。相與排擯。德裕之黨。尋以德裕鎮西川。德裕作籌邊樓。圖蜀地形。南入南詔。西達吐蕃。日召老於軍旅習邊事者訪以險易。遠

入兵之路入兵於西  
或之要路

近。皆若身歷。練士卒。葺堡障。以備邊。吐蕃將悉怛謀以維州來降。維州本漢地。入兵之路。吐蕃得之。號為無憂城。德裕極以得此州為便。牛僧孺以為不可納。以城併。數將歸。吐蕃誅之境上。極慘酷。牛李之怨。自是愈深。僧孺尋罷。德裕入相。宗閔亦罷。宗閔再相。德裕又罷。二黨互相擠援。文宗每歎曰。去河北賊。易去朝廷朋黨。難。德裕連被貶黜。及上立。召德裕相之。德裕言於上曰。正人指邪人為邪。邪人亦指正人為邪。在人主辨之。上嘉納。德裕追論維州事。悉怛謀加褒贈。○昭義節度使劉從諫卒。姪鎮自領軍府。德裕謂

三鎮成德魏博幽州

鎮成德魏博

便蒙子孫之謀者謂不敢受朝命自以上地傳子孫之謀也

便蒙詐言戰卒甚衆以脅德裕光明甲或

澤潞事體與河朔三鎮不同河朔習亂已久累朝置之度外澤潞近在心腹若又因而授之威令不復行於諸鎮矣上問何以制之曰鎮所持者三鎮但得鎮魏不與之同鎮無能為也遣重臣諭鎮魏討之詔曰澤潞一鎮與卿事體不同勿為子孫之謀使存輔車之勢鎮魏悚息聽命二鎮兵與朝廷所遣行營將王宰石雄各進討○河東都將都頭揚弁作亂逐節度使遣中使馬元實曉諭且覘之元實受賂還於衆中大言相公須早與之節自牙門至柳子列十五里曳地光明甲若之何取之德裕詰之辭屈奏微賊決不

作明光甲唐與明光甲鏡甲也

可恕如國力不支寧捨劉稹河東兵出戍者聞朝廷令客軍取太原忍妻孥被屠乃歸擒弁送京師斬之未幾劉稹勢窮感潞人殺稹以降澤潞平加德裕太尉衛國公貶牛僧孺為循州長史流李宗閔於封州○削宦者仇士良官爵籍沒其家先是士良致仕其黨送歸士良教之曰天子不可令閑常宜以奢靡娛之使無暇及他事慎勿使之讀書親近儒生見前代興亡心知憂懼則吾輩疎斥矣○毀天下佛寺僧尼勒歸俗○會昌六年上崩在位七年改元者一曰會昌光主立是為宣宗皇帝



便家恰初許港王故名為光武此句當置為笑下

綱目大中之政託於唐七人思詠之謂之小太宗

○宣宗皇帝名怡。憲宗子也。幼號不慧。太和後益自韜匿。文宗好誘其言以為笑。武宗豪邁尤不禮之名為光叔。武宗疾篤。子幼。宦官定策禁中。詔立怡為皇太叔。更名忱。權勾當軍國事。裁決咸當。理人始知其隱德焉。尋即位。○李德裕罷僧孺。宗閔等北遷。德裕三貶。至崖州司戶以死。○令狐綯同平章事。先是綯為學士。上嘗以太宗所選金鏡錄授綯。使讀之又書貞觀政要於屏風。每正色拱手而讀。嘗與學士畢誠論邊事。誠具陳方略。上悅。曰。不意頗收在吾禁中。即用為邊帥。果稱其任。上聰察強記。嘗密令學士韋澳纂

范華陽曰。宣宗決機細微。以驚服其臣下。小過必罰。而大綱不與。欲以一人之智。周天下之務。而不能與賢人共失職也。譬如廉刻之吏。謹治簿書。期會而不知為政。特一縣令才耳。豈人君之德哉。

謂廢格詔書。成事也。格止也。

次州縣境土風物及諸利害。音為一書。號曰處分語。刺史有入謝而出者。曰。上處分本州事。驚入建州。刺史入辭。上問建州去京師幾何。曰。八千里。上曰。卿到彼為政。朕皆知之。勿謂遠。此階前則萬里也。令狐綯奏擬李遠杭州刺史。上曰。吾聞遠詩云。長日惟消一局碁。安能理人。綯曰。詩人托此高興。未必實然。嘗詔刺史毋得外徙。必令到京面察。綯嘗徙故人為隣州。便道之官。上問之。曰。詔命既行。直廢格不用。宰相可謂有權。時方寒。綯汗透重裘。上臨朝對群臣。未嘗有惰容。每宰相奏事。旁無一人。威嚴不可仰視。奏事

○畢忽怡然閑語一刻許徐復整容曰卿輩善為之常  
 恐卿輩負朕不得再相見絢嘗謂人曰吾十年秉政  
 最承恩遇每延英奏事未嘗不汗沾衣也嘗召學士  
 韋澳屏左右問之曰近日內侍權勢如何對曰陛下  
 威斷非前朝比上閉目搖首曰全未全未尚畏之在  
 又嘗與絢謀盡誅宦官恐濫及無辜絢密奏曰但有  
 罪勿捨有缺勿補自然消耗至盡宦官者竊見其奏由  
 是益與朝士相惡南北司如水火○大中十三年上  
 崩在位十四年改元者一長子立是為懿宗皇帝  
 懿宗皇帝初名温封郾王以無寵不得為太子宣宗

致當領命孤之意善  
 而不面懷之謬矣

赤心盡心孫執事子  
 克用之父也

崩宦者立之更名漼音音○浙東賊裘甫起聲振中原  
 觀察使王式討斬之○九年徐州賊龐勛起先是南  
 詔稱大理皇帝舉兵入寇陷播邑交趾救徐泗兵戍  
 桂州過期不代遂作亂勛為糧料判官戍卒推以為  
 主擁兵北還所過剽掠至徐州因殺節度使陷諸郡  
 招討使康承訓擊之以沙陀朱邪赤心為前鋒勛敗  
 死賜赤心姓名李國昌為大同軍節度使尋又為振  
 武節度使○咸通十四年上崩在位十五年改元一  
 子晉王立是為僖宗皇帝

○僖宗皇帝名儂許緣切懿宗少子也年十三為宦官所

立自懿宗以來奢侈日甚用兵不息賦歛愈急水旱  
不以實聞百姓流殍無所控訴所在相聚為盜濮州  
人王仙芝起曹州冤句人黃巢應之巢善騎射喜任  
俠嘗舉進士不第與仙芝共敗私鹽至是聚眾攻剽  
州縣窮民歸之數月數萬仙芝攻陷汝鄭唐鄆寇鄂  
州陷安州寇荆南與招討曾元裕戰於申州而大敗  
又大敗於黃梅斬之黃巢陷鄆沂濮掠宋汴南渡陷  
洪庚吉饒信寇宣州入浙東為鎮海節度使高駢所  
破遂趨廣南陷廣州出潭州北渡向襄陽敗於荆門  
復引而南陷宣州自采石渡江已而渡淮陷申州入

李國昌為振武節度使

穎宋徐克之境陷東都引而西入潼關入長安上出  
奔蜀巢僭號大齊皇帝諸道發兵赴援先是沙陀李  
國昌子克用為兵馬使戍蔚州大同軍諸將謀曰今  
天下大亂朝廷號令不復行於四方此乃英雄功名  
富貴之秋李振武名聞天下其子勇冠諸軍若輔以  
舉事代北不足平也遣人潛詣蔚州說克用克用趨  
雲州取之河東招義討之而大敗克用寇沂代逼晉  
陽已而大為盧龍兵所破蔚朔兵亦討敗其父國昌  
父子亡走達且五代史作韃靼朝廷赦其罪召其兵討賊克  
用將沙陀來賊憚之曰鴉軍至矣連破賊復長安巢

軍中號克用為李國昌以其軍皆服也

其國義德冠三世之  
太子義德死勇猛絕  
倫所向無敵嘗戰擒  
佛王其軍裝每黑故  
人稱之黑太子

范華陽以克用復  
唐室之大功而全志  
專欲殺之克用不敢  
專殺復欲高其於  
朝廷是謂其猶有尊  
王室之心也今僖宗

焚宮室而遁至蔡州節度秦宗權降之巢趨汴州克  
用等追擊大破之未幾賊黨斬巢以降○克用之至  
汴州也朱全忠襲之全忠者巢將朱温也先為巢所  
遣攻陷同華尋以華州降賜名全忠為宣武節度使  
館克用甚恭克用乘酒頗侵之全忠不平發兵圍驛  
攻之克用醉左右以水沃其面告之克用乃張自援  
弓起而走會大雷雨晦冥扶醉乘電光趨城出汴人  
扼橋從者力戰得度而免克用還晉陽治甲兵表乞  
討全忠詔和解之不聽○上發成都還長安○秦宗  
權僭號○上之奔蜀也宦者田令孜音茲實挾之自以

兩無予奪何以徵全  
忠而服克用邪

為功權自已出河中王重榮前作亂自立令孜遣朱  
玫等攻之玫音梅重榮求救於克用克用方怨朝廷不  
罪全忠上言玫等與全忠相表裡欲共滅臣引兵赴  
河中京師震恐令孜劫上奔鳳翔朱玫追逼不及立  
肅宗玄孫襄王煨為帝煨音熅玫將王行瑜斬玫煨奔  
河中王重榮斬首送行在上還長安上在位十五年  
改元者五曰乾符廣明中和光啓文德日與宦官相  
處而已天下大亂盜賊蜂起豪傑因起其間互相吞  
噬朝廷不能制上崩壽王立是為昭宗皇帝  
昭宗皇帝名傑僖宗之弟也僖宗太漸宦者立之為

太弟遂即位後更名暉帝明粹有英氣喜文學以僖  
 宗威令不振朝廷日卑有恢復前烈之志踐祚之始  
 中外忻忻焉然而內制於官寺外有強鎮初志竟不  
 遂○越州董昌僭號昌先據杭州錢鏐為兵馬使  
 留朝廷命昌帥浙東鏐領杭州至是昌稱帝於越詔  
 鏐討之○鳳翔李茂貞華州韓建邠州王行瑜三鎮  
 舉兵犯闕殺宰相謀廢立聞李克用來討乃去克用  
 攻邠州斬行瑜將移兵岐華貴近恐沙陀大盛止之  
 克用自龍西郡王進爵晉王引兵還晉陽○錢鏐克  
 越州董昌伏誅○初李克用屯渭北李茂貞韓建憚

之事朝廷甚恭克用去一鎮復驕慢茂貞舉兵犯闕  
 上出奔華州克用遣援又聞朱全忠營洛陽迎駕茂  
 貞與建皆懼奉上還長安先是嘗令諸王將兵巡警  
 又欲使出四方撫慰藩鎮南北司用事者恐其不利  
 於已交諫以為不可上不得已罷之上在華時宦官  
 劉季述圍殺諸王十一人至是季述幽上於少陽院  
 而立太子裕同平章事崔胤說神策將討誅季述上  
 復位宦官謀去胤時朱全忠有挾天子令諸侯之意  
 胤以書召之全忠舉兵來宦者韓全海等劫上如鳳  
 翔全忠圍之季茂貞遂殺全海等奉上還長安全忠

以其兼天子之功  
故稱國老視天子如  
試官之視所取之人  
故曰門生

紇于即乾真山也紇  
真猶漢字里也

以兵驅宦官盡殺之其出使外方者詔所在誅之存  
黃衣幼弱三十人備洒掃宦官自文宗已後廢置在  
其掌握至有定策國老門生天子之號及是大被誅  
殺全忠由東平王進爵梁王還汴○全忠威震天下  
有篡奪之志胤懼為之備全忠表請除胤密使其黨  
殺之遂請上遷都東京促百官東行驅徙士民上謂  
侍臣曰鄙語云紇干山頭凍殺雀何不飛去生處樂  
朕今漂泊不知竟落何所泣下沾巾上至洛陽李茂  
貞等移檄以興復為辭全忠將西討以上有英氣恐  
生變遣人入洛殺之○上自即位非不夢想賢豪卒

歇後語如友于貽厥  
之類文于歇後兄弟  
二字貽厥歇後孫謀  
二字

不用之嘗有朝士鄭縻音啓好恢諧多為歇後詩朝時  
事上意其有所蘊手注班簿注在朝者姓名以為相堂吏走  
告堂吏中書昏吏不信已而賀客至縻搔首曰歇後鄭五作  
宰相時事可知矣○上在位十七年改元者七曰龍  
紀太順景福乾寧光化天復天祐子立是為哀皇帝  
廟號景宗  
哀皇帝初名祚昭宗有廢太子裕已壯全忠惡之祚  
以幼得立更名祝全忠殺裕等九人皆昭宗子全忠  
為相國加九錫帝在位仍稱天祐不四年禪于梁尋  
被弒唐自高祖至是二十世凡二百九十年



